

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KTK 0063239 25  
Zenica, 23.06.2025.godine

OPĆINSKOM SUDU U VISOKOM  
-Sudiji za prethodno saslušanje-  
VISOKO

Na osnovu člana 45. stav 1. i 2. tačka i), člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem,

O P T U Ž N I C U

Protiv:

V. S. zv. „B.“, osuđivan,

što je:

dana 20.03.2025. godine oko 09:50 sati u mjestu ..., općina O., službenoj osobi učinio dar da u okviru svoje funkcije ne učini što bi morala učiniti, na način da je, upravljajući teretnim motornim vozilom marke „...“ reg. oznaka ..., prilikom zaustavljanja od strane policijskog službenika Uprave policije MUP ZDK, PU V, PS Olovo S. A., koji je u navedenom svojstvu obavljao redovne poslove i zadatke na magistralnom putu M-18, nakon čega mu je navedeni policijski službenik zatražio da pokaže i preda na uvid vozačku dozvolu i potvrdu o registraciji vozila, što je on i učinio, dok se u predmetnoj potvrdi o registraciji vozila broj: ... nalazio novac u iznosu od 20,00 KM, a policijski službenik S. A. utvrdio je da se u navedenom tmv nalazi petnaest grla sitne stoke, od čega devet ovaca i šest jagnjadi, da isti vrši prevoz predmetne stoke u zatvorenom ... vozilu koje nije namijenjeno za prevoz žive stoke, odnosno ne ispunjava zakonske uslove za prevoz i transport žive stoke, te da za istu ne posjeduje popratnu dokumentaciju, kao ni ušne markice ( identifikacija), što predstavlja prekršaj iz člana 93. stav 1. tačka 14. i 16. u vezi sa članom 95. Zakona o veterinarstvu BiH, kojim odredbama je propisano da će se za navedeni prekršaj kazniti fizičko lice novčanom kaznom u rasponu od 430,00 KM do 870,00 KM, pa znajući sve to, kao i da je navedeni policijski službenik u skladu sa svojim ovlaštenjima kada utvrdi postojanje prekršaja, obavezan isti evidentirati i pokrenuti prekršajni postupak, odnosno ukoliko je prekršaj iz nadležnosti inspekcije, obavijestiti nadležnu inspekciju o utvrđenom prekršaju, čija ovlaštenja proizilaze iz Pravilnika o unutrašnjoj organizaciji MUP-a ZDK, broj ... od .... godine, tačka 240. „Policajac“, pod kojom tačkom su navedeni opisi poslova, pa između ostalog, da obezbjeđuje sigurnost saobraćaja i sprečavanje drugih nedozvoljenih radnji, izvršava zadatke u skladu sa pravilom službe; sačinjava službene zabilješke o događajima i pojavama i prekršajne prijave; vrši kontrolu i regulisanje saobraćaja; izdaje prekršajne naloge, nakon čega ga je policijski službenik S. A. obavijestio da će protiv njega biti preduzete zakonom predviđene mjere i radnje, na što mu je on rekao: „nemoj ništa poduzimati, imate u saobraćajnoj pa se počastite“, svjestan da davanje

predmetnog novca predstavlja dar u svrhu nepreduzimanja radnji i mjera od strane navedenog policijskog službenika, što je i htio, zatim ga je policijski službenik upozorio da navedena radnja predstavlja krivično djelo i da će o tome obavijestiti svog rukovodioca, što je i učinio, usljed čega je izvršen uviđaj na licu mjesta i navedeni događaj zadokumentovan,

dakle učinio dar službenoj osobi u Federaciji BiH, da u okviru svoje funkcije ne učini što bi morala učiniti,

Čime je počinio krivično djelo „Davanje dara i drugih oblika koristi“ iz člana 381. stav 1. KZ F BiH.

**P R I J E D L O G**  
dokaza koje treba izvesti

III Predlažem da Sud u smislu člana 78. stav 1. KZ F BiH u vezi sa članom 381. stav 4. KZ F BiH izrekne sigurnosnu mjeru oduzimanja predmeta koji su upotrijebljeni u izvršenju krivičnog djela i to novac u apoenu od 20,00 KM, koji novac je pohranjen u depozitu PS Olovo.